

UPRAVA POLICIJE Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Fatmir Hajdarević, (u daljem tekstu Ugovorni organ)

i

R&S d.o.o. Sarajevo, Igmanska bb, Vogošća-Sarajevo, ID broj: 4200056290005, koga zastupa direktor Damir Pahor, (u daljem tekstu: Dobavljač)

zaključili su:

UGOVOR O NABAVCI RAZNOG MATERIJALA SA LOGOM „POLICIJA“ (LOT 2)

Član 1.

Predmet ugovora je nabavka raznog materijala sa logom „policija“ – LOT 2 – razni materijal sa logom „policija“ za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu Odluke broj 02-11-4-8401/25 od 05.12.2025. godine.

Ponuda Dobavljača broj: 932/25 od 09.12.2025. godine je sastavni dio ovog Ugovora.

Član 2.

Ukupna vrijednost ovog ugovora iznosi 3.498,45 (trihiljadečetiristinedevedesetosam i 45/100) KM bez PDV-a.

Dobavljač se obavezuje da se cijene iz Ponude neće mijenjati do isteka ovog Ugovora.

Član 3.

Dobavljač se obavezuje da će robu iz člana 1. ovog Ugovora isporučiti najkasnije u roku od 10 (deset) dana od dana prijema narudžbenice.

Sve troškove isporuke do primopredaje, kao i troškove reklamacije snosi Dobavljač. Roba će se isporučiti na adresu Ugovornog organa.

Član 4.

Prilikom isporuke robe koja je predmet ovog Ugovora, Dobavljač je dužan dostaviti otpremnicu za isporučenu robu (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). U zapisnik se unosi količina isporučene robe i da li je roba u skladu sa ponudom dobavljača, te evidentiraju mogući nedostaci na istoj.

Član 5.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Dobavljač se obavezuje priznati reklamaciju na kvantitet i kvalitet isporučene robe, koja će biti praćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će se zapisnikom o reklamaciji utvrditi.

Roba će se smatrati uredno isporučenom kada u zapisniku o prijemu bude konstatovano "isporuka i prijem izvršeni bez primjedbi".

Član 6.

Plaćanje za isporučenu robu će se vršiti u roku od 30 (trideset) dana od dana uredne isporuke robe i dostavljanja fakture, na tekući račun Dobavljača.

Član 7.

Ukoliko Ugovorni organ ocijeni da isporučena roba nije u skladu sa datom ponudom iz člana 1. ovog Ugovora, Ugovorni organ može jednostrano, bez saglasnosti Dobavljača, raskinuti ovaj Ugovor.

Član 8.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 9.

Eventualno nastale sporove pri realizaciji ovog ugovora, Ugovorne strane će rješavati sporazumno, u duhu dobrih poslovnih odnosa i međusobnog povjerenja.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 10.


Ovaj Ugovor je zaključen, kada isti potpišu obje ugovorne strane i traje do realizacije ugovorenih obaveza, odnosno do izmirenja dužničko-povjerilačkih odnosa.

Član 11.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
R&S d.o.o. Sarajevo

direktor Damir Pahić

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj : 1005/25
Datum: 10.12.2025. godine

Broj: 02-11-4-8401-5/25
Datum: 10.12.2025. godine